

摘藻堂四庫全書薈要

集部

欽定四庫全書薈要

集部

元詩選初集卷五十四

詳校官候選知縣臣吳甸華



欽定四庫全書薈要卷二萬四百十四 集部

元詩選初集卷五十四 長洲 顧嗣立 編

張憲玉筭集



憲字思廉山陰人別號玉筭生負才自放走京師  
創言天下事衆駭其狂還富春山中一日升高望  
遠呼所親謂曰亟去三日逃寇猝至死者五百餘  
家始悔不用生言張氏據吳辟為樞密院都事吳  
亡變姓名走杭州思廉初薄遊四方誓不娶不歸

鄉里中遭兵亂混緇黃以自存晚寄食報國寺以

死其琴操序曰干戈不息殆且十年余流連江湖

間幽憂憤奮不見中興涯際四方又無重耳小白

之舉深山大澤所不忍言將仗劍軍門而可依者

何在乃作琴操十二章以寄意其閔周操云平既

自夷兮報寧得不窮其懷燕操云秋草兮芊芊黃

金臺兮夷為淵悵廣宇兮裂瓦望離宮兮生烟淚

可盡兮目可穿思昭王兮不可言思廉師事揚廉

夫尤多懷古感時之作廉夫曰吾用三體咏史古  
樂府不易到吾門惟張憲能之又曰吾鐵門稱能  
詩者南北凡百餘人求其似憲及吳下袁華輩者  
不能十人明成化初安成劉鈺序其集曰思廉與  
鐵崖諸君同為一時能言之士當元季擾攘志不  
獲伸才不克售傷時感物而洩其悲憤於詩此可  
謂思廉之知己也已

秦鹿行

望夷宮中養秦鹿百二山河春草綠穿花尚作呦呦鳴  
寧識外人須爾肉李斯父子牽黃犬上蔡東門志何淺  
血污雲陽腰領紅狡兔縱肥能幾鬻閻高貌軟足心路  
稱馬獻君君不悟羣臣相視莫敢非只恐出言丞相怒  
丞相怒秦祚移函谷不守秦鹿馳高材疾足爭逐之項  
王叱咤起烏騅日千里逐之不得不肯止人疲馬困烏  
江死沛公隱芒碭手劔三尺長網羅一舉圍咸陽扼其  
角剗其腸食肉寢皮傳後王秦鹿死走狗烹後人不用

悲韓彭帝王神器匪力爭炎炎火德多洪福前有高皇  
後文叔回首平靈莽卓生漢業亦同蕉下鹿

鴻門會

雲成龍氣成虎椎鼓撞鐘宴真主披帷壯士髮指冠側  
盾當筵請公舞白髮老臣心獨苦玉玦三看君不語五  
星東井夜聯珠天狗攬槍落如雨鴻溝咫尺接鴻門千  
里神騅一夜奔君不見龍泉影裏重瞳瞽玉斗聲中五  
體分

朱虛侯行酒歌

長樂宮中女天子盛設賓筵懽戚里百官侍坐莫敢違  
諸呂喧闐笑聲起御史中丞不糾儀叔孫制作成虛禮  
朱虛奉敕起行觴手提三尺昆吾鋼田歌聲振野雞伏  
頸血光寒漢道昌

上元夫人詞

七月七日夜王母降漢宮上元何夫人儀衛畧與同頭  
作三角髻年可二十餘身著青霜袍坐擁紫霞車九雲



夜光冠六山火玉佩斂袂登殿階進向王母拜王母坐  
止之呼與共良會翩翩三青鳥飛來綠窗歇口銜七蟠  
桃甘脆勝冰雪劉郎非仙器內慾未斷絕懷核欲種之  
開花待桃結一桃九千年徒爾糜歲月上仙啞然笑忽  
逐綵雲滅

東門行

東都門外今古稀東宮二傳同日歸百官祖道設供帳  
敕賜黃金作酒貲歸來日日會親友盡賣賜金買醇酒

白頭剛傅

蕭望之也

空勞勞一杯鴛羽不就獄博得君王祠

少牢

井底蛙 公孫述

清水令井底蛙鸞旄騎稱警蹕垂旒佩玉登龍車不  
知天下本一家雌雄未決胡矜夸井底蛙井中小堂堂  
東帝天日表南廡岸幘彼何心都布單衣笑君狡君不  
見故人共卧嚴子陵一夜客星侵帝星何嘗解作木偶  
形

梁父吟

武侯成就關張勝晏子  
殺三士多矣故反其詞

伏龍隱南陽高卧久未起不肯渡長江焉能涉漳水  
炎炎火絕卯金刀巍巍土王當塗高種瓜兒子不力戰  
織屨郎君無地逃伏龍一起捍坤軸雄據西南成鼎足  
十年汗血戰玄黃五出王師爭九六萬人之敵兩熊虎  
百戰辛勤事行伍河南河北謾稱雄不得袁曹一丸土  
伏龍纔起帝業新千古君臣魚水親遂使真龍全羽翼  
風雲成就二將軍

南飛鳥 曹操

南飛鳥尾畢逋白頭啞啞將衆雛渭河西岸逐野馬

破黃

中也白門東樓迨赤兔

擒呂布也

冀豚

袁

荆犬

劉琮

肉不飽展翼

南飛向江表江東林木多俊禽不許南枝三匝遶老鳥

莫侮髯郎小髯郎詎讓老鳥老東風一炬鳥尾焦不使

老鳥矜觜爪老鳥自謂足姦狡豈信江湖多鷺鳥粹鳥

頭啄鳥腦不容老鳥棲樹枝肯使蛟龍戲池沼

赤壁戰之

釋

老鳥未肯搏紫髯大耳先相攫河東老羽雲外落

雲長死

老烏巢成哺銅雀

縛虎行

白門樓下兵合圍  
白門樓上虎伏威  
戟尖不掉丈二尾  
袍花已脫斑爛衣  
捽虎腦截虎爪  
眼中視虎如貓小  
猛跳不越當塗高  
血吻空腥千里草  
養虎肉不飽  
虎饑能噬人  
縛虎繩不急  
繩寬虎無親  
座中叵信劉將軍  
先不  
縱猛虎食漢賊  
反殺猛虎生賊臣  
食原丁食卓董  
何足嗔

夕陽亭

晉裴楷惡賈充薦充督秦涼諸軍充問計于荀勗曰辭之實難獨結婚太子可不辭而自留矣充妻遂賂楊后左右納其女南風果留不遣

百官供帳紛營營夕陽亭西誰遠行充閭之子專閭鉞  
仗節萬里西南征結婚一語聾天耳既鑿凶門行復止  
衛家五美空善評姦謀仍落三豎子君不見鬼公怒攝  
項城軍殘喘聊延衛府勲枯木劍鋒金屑酒天刑猶脫  
廣成君

玩鞭亭

晉王叡在姑孰明帝出看鼓營鼓夢覺遂帝帝以馬鞭與老姥及追者至問姥

玩鞭帝遂  
去追不及

畸烏壓營營作聲紅光紫電圍金鉦黃鬚小龍馬上笑  
白首饑豺夢裏驚老奴怒擲珊瑚枕追兵起合琉璃井  
巴馬東歸疾似風道傍遺糞如冰冷健兒空玩七寶鞭  
荆臺老姥功誰傳

胭脂井 陳後主

胭脂井瑪瑙甃琉璃闌黃金轆轤銀綆寒桃花小波下  
無底雌龍古怨沈紅水妖姬不作井中鬼玉樹飛花落

如雨

代魏徵田舍翁詞

鐵崖楊先生以殺田舍翁為文皇根心語蓋徵好直諫忤

意者數矣是必有弗堪其直者故怒曰會須殺此田舍翁不覺其言之出口也此則是也然謂徵東宮臣節之虧故為太宗所薄而呼為田舍翁者此則非也徵能入夢于太宗而不能自明其事故代田舍翁詞補徵諫錄云

臣本山東農臣誠田舍翁臣以隋末亂出任蒲山公蒲山復諫自用故臣言不用臣計不從百萬糧一日盡百萬眾一夕空力屈事去歸山東臣義不忍棄故土事仇



充相隨西來朝真龍先帝不臣識大臣不臣通故臣上  
書自請安山東山東歸皇圖授臣洗馬之職在東宮東  
宮多不德兄弟不相容臣教太子翦黑闥親元戎又教  
太子除陛下太子不臣庸太子既死先帝命臣聽陛下  
處分臣安敢效匹夫小諒自與逆黨同陛下以臣盡心  
所事赦臣死罪除臣秘書登臣政府爵位崇臣於是感  
激時時進諫開皇哀陛下幸而時聽臣言以致四海太  
平年穀豐使陛下功德及堯舜則臣心喜小有過失則

臣心忭是以不四年中而有三代風陛下初年誠心聽諫故天耳聰今聽諫不逮昔故天耳聾往以未治為憂故人心悅今以既治為安故威德隆往日用臣言賜臣以黃金甕天廐馳輟殿材構臣屋與墉今日以人言仆臣墓碑停臣子婚為惠胡不終喜臣則謂臣媼媚惡臣則詈臣田舍翁陛下不宜以喜怒毀譽損厥躬臣薦侯與杜謂其才略雄臣豈阿黨預知其終凶臣錄諫疏草前後三百封欲使後世知陛下能聽諫致時雍豈欲賣

直歸過為已功避嫌焚草徒足恭臣幸而身先朝露使  
臣不幸恐不免隨比干侶龍逢獨不記臣言良與忠胡  
為乎會須殺此田舍翁田舍翁豈畏死但惜陛下既殺  
張亮又誅劉洎翦刈大臣如刈蓬臣不願陛下祠少牢  
立什石但願陛下養氣質除內訌毋以喜怒存諸胸大  
臣無災帝德穹社稷無虞王業鴻千秋萬歲為唐宗老  
臣不諱田舍翁於乎老臣不諱田舍翁

聖母神皇詞

則天

東風未燥昭陵土感業尼稱天下母唐室山河忽變周  
李氏兒郎更姓武洛水泱泱出寶圖黃金爛爛鑄天樞  
五王不入迎仙院二豎能忘受命符君不見漢家元后  
號文母廟食從來姪祀姑

匡復府

揚州都督開三府十萬強兵猛如虎駱生長檄魏生謀  
大義精忠照千古山東豪傑望旌旗蓄縮江淮立伯基  
莫指金陵圖王氣石梁鴉噪觸髀悲

雙廟詞

睢陽戰敗血飄杵力屈猶思為厲鬼  
玄元祠前哭一聲  
朝食愛姬莫羅鼠唐家宮殿秋草生  
二十一陵如掌平  
獨遺雙廟門前石日有行人來繫牲

大腹兒

鹿巫夜禱軋犖山淫光下燭穹  
廬寒柳城胡兒不敢睡  
四野惡聲啼狗豕龍怒磔老梟  
腹鱗甲粗踈頭角禿  
婪酣大肚三百斤偷得真龍半分福  
平盧寶刀未發劓

范陽擅帳先潛形

一作范陽擅帳妖潛形平盧寶刀遲發矧

金雞口吐東北

赦青驪蹏作西南聲鳳凰池荒

一作春池

金鏡破獬廬臺傾

一作霜臺

胡眼大東風野鹿嚼楊花白日妖狐登御座華清

玉甃湯作泉洗兒果撒黃金錢并刀翦綵十六幅錦裯

壓碎宮娥肩象牀夜冷嬰兒哭豬龍爪破金訶玉香齧

不痛荔枝漿雄心已飽雞頭肉長安天奪蜜口臣銅頭

鬼鼓漁陽塵赤心一夜變胡腹二十四郡都

一作俱

無人

潼關夜漏雞聲早馬嵬坡下冰山倒劔門西寄杜鵑巢

練帶玉環埋翠草嘉山土門勤戰功猪兒帳下屠猪龍  
旄頭星落大腹破机上鸞刀一尺紅

此詩一刻成  
廷珪恐誤

### 餞梁王

壽春殿延喜樓梁王欲歸天子留樓前百戲排倡優百  
官陪宴酬未休梁王上馬樓上頭梁王東歸天子愁天  
子愁梁王喜鴟梟暗移傳國璽碭山王氣瓏璫起皇后  
捧金卮天子歌柳枝家亡國破無多時

讀此不覺涕泗  
橫流恨不剗刃

賊臣以  
快其心

河東鴉兒獨眼窺紇干凍雀死不飛灞橋送客

那得知

李天下

沙陀一夜鴉兒死夾寨隄邊黃霧起三枝誓箭挂馬鞍  
誓與先王刷遺耻六年河上幾辛苦纔得河南一丸土  
盧龍悖子雖剖心耶律狂徒猶未虜柳風沐雨壯志荒  
傅粉塗朱樂未央癩臬本為太原孽驕子都化邯鄲倡  
歌吳歛習趙舞吹玉笙擊花鼓十萬貔貅介冑雄三千  
粉黛烟花主呼優名李天下龍頰輕批面如赭法刀不



斬敬心磨鏡破銅光解如瓦魏州總管著柘黃門高流  
矢生金瘡劉尼不進銀餅醴鳳瑟鸞箏殉龍體君不見  
鐵鎗將軍有先知鬪雞咬犬呼小兒

陳橋行

唐宮夜祝邈佶烈憂民一念通天闕帝星下射甲馬營  
紫霧紅光掩明月殿前點檢作天子方頤大口空誅死  
重光相盪兩金烏十幅黃旗上龍體中書相公掌穿爪  
不死不忍秘鴻寶畫瓠學士獨先幾禪授雄文袖中草

君不見五十三年血載塗五家八姓相吞屠陳橋亂卒  
不擁馬撫掌先生肯墜驢

金櫃書

約誓書金櫃藏不鑿柴家幼兒祚不長弟兄子姪相繼  
作書記署名傳晉王金櫃書藏禍府肘腋奇凶起慈母  
深宮燭影夜無人漏下嚴更天四鼓寡婦孤兒不敢嘯  
戳地有聲金柱斧太平王子著龍衣定策元勳孰敢非  
藝祖有靈君莫急朱牌金字火羊飛

一網謠 李綱

一網舉萬目張建炎帝開重光首竄賣國牙繼誅易姓  
王募軍買馬事戰備誓為吾君復舊疆忤汪黃七十五  
日中書堂奉祠已落張公章浚嗟乎一網去萬目弛胡  
馬長驅飲江水張公督戰方未已張公督戰方未已

岳鄂王歌

君不見南薰門鐵鑪步神矛丈八舞長蛇雙鍊銀光如  
雨注又不見鐵浮屠拐子馬斫鏗鋼刀飛白霜貫陣背

冤紛解瓦義旗所指人不驚王師到處壺漿迎兩河忠  
義望風附襄鄧荆湖唾手寧朱仙鎮上馬如虎百戰經  
營心獨苦賜環竟壞迴天功卷旆歸來卧樞府錢塘宮  
殿春風輕嬌兒安宴醉未醒徒令功臣三十六舞女歌  
兒樂太平虎頭將軍面如鐵義胆忠肝向誰說只將和  
議兩封書往拭先皇目中血將軍將軍通軍術君命不  
受未為失大夫出疆事從權鐵馬長驅功可必功成解  
甲面赤墀拜表謝罪死不遲惜哉忠義重山岳智不及

此良可悲嗚呼肆讒言加毒手申王心循王口斬王湖  
上乘驢走五國城頭帝鬼啼燕人共酌平安酒

咸淳師相

賈似道

咸淳師相專軍國堂吏館賓供羽翼諸司百職聽使令  
臺諫承顏言路塞輪舟五日一入朝湖山佳處多逍遙  
諛言佞語頌功德邊事軍聲聽寂寥半間堂連多寶閣  
歌姬舞妓相懽樂十年國勢盡傾摧猶謂師臣堪付託  
師臣師臣躬督兵珠金沙頭羅一聲十三萬人齊解甲

寡婦孤兒俱北行君不見黯淡溪流東復東木棉花開  
生悲風師臣不忍馬草裏厠上有人能拉胸

厓山行 已上咏史

三宮銜璧國步絕燭天炎火隨風滅間闕海道續螢光  
力戰厓山猶一決午潮樂作兵合圍一字舟崩遂不支  
檣旗倒仆百官散十萬健兒浮血屍皇天不遺一塊肉  
一瓣香焚海舟覆猶有孤臣卧小樓南面從容就刑戮

行路難

行路難前有黃河之水後有太行之山車聲宛轉羊腸  
坂馬足蹭蹬人頭闕白日叫虎豹腥風號狗獾拔劍顧  
四野使我摧心肝東歸既無家西去何時還行路難重  
咨嗟乞食淮陰市報仇博浪沙一劍不養身千金徒破  
家古來未際皆紛拏行路難多岐路馬援不受井蛙囚  
范增已被重瞳誤良禽擇木乃下棲不用漂流歎遲莫

將進酒

酒如澠肉如陵趙婦鼓寶瑟秦妻彈銀箏歌兒舞女列

滿庭珊瑚案玻璃罌紫絲步障金雀屏客人在門主出  
迎蓮花玉杯雙手擎主人勸客客勿停十圍畫燭夜繼  
明但願千日醉不願一日醒世間寵辱何足驚珠萬斛  
金千籛來日大難君須行胡不飲此長命觥劉伯倫王  
無功醉鄉深處了平生英雄萬古瘞黃土惟有二子全  
其名

房中思

紅象作小梳髻龍盤漆髮香泥擣守宮染透桃花骨白



馬不歸來倚牀弄紅拂桂陰綠團團坐對玲瓏月

銅雀妓

陵樹日沈西秋風石馬嘶芳尊傾總帳詎肯濕黃泥慘  
慘笙歌合遙遙望眼迷玉人脆如草能得幾回啼

火府告斗

黃巾騎馬騰紅雲綠章細書天篆文芙蓉小冠切白玉  
伏地夜奏中天君灼灼桃花映羊首電繞魁罡百怪走  
九皇一笑帝車移銀鹿作靶霞注酒玉衡閃爍招搖光

人間塵土何茫茫石家買得綠珠笑五雲蹋地椒壁香  
短衣吹秋車武子乾抱流螢照書紙虛空喉舌正司權  
杳杳冥冥注生死

端午詞

榴花照鬢雲髻熟蟬翼輕綃香墨雪一丈戎葵倚繡窻  
雨足江南好時節五色靈錢傍午燒綵勝金花貼鼓腰  
段家橋下水如潮東船奪得西船標擢歌聲靜晚山綠  
萬鎰黃金一日銷

白苧舞詞

吳宮美人青犢刀自裁白苧製舞袍輕雲冉冉白勝雪  
激楚一曲回風高九雛鳳釵簪紫玉長裾窄腰蓮步促  
翩翩素袖啟朱櫻金籠鸚鵡飛來熟館娃樓閣搖春暉  
臺城少年醉忘歸瑤窻綺戶鎖風色桃樹日長蝴蝶飛  
傾城獨立世希有罷吟綠水停楊柳急管繁絃莫苦催  
真珠賸買烏程酒

夜坐吟

蜻蜓頭落鐙花黑瓦面寒蟾弄霜色玉壺水動漏聲乾  
夜冷蓮籌三十刻蓬頭兒子凍磨墨欲拾羈懷尋不得  
起看庭樹響風箏斗杓墮地天盤側

秋夢引

翠翹半軀雙飛鳳轆轤金井懸銀甕萬絲翠霧刷鴉光  
兩點秋波和淚送芙蓉帶露不忍折鸚鵡隔籠時自哢  
多情宋玉正悲秋故放香魂入秋夢

楊花詞

東風吹春春不醒  
桃花杏花空娉婷  
萬絲翦綠暗如霧  
千里相思長短亭  
亭前女兒十六七  
手挽柔條背春日  
六街馬蹄蹋黃塵  
雪花漫天愁殺人

出自薊北門行

出自薊北門遙望瀚海隅  
黃沙落寒鴈哀草號雄狐  
河水血成冰土冢碑當塗  
乃知古戰場本是賢王都  
武皇昔按劍一怒萬骨枯  
半夜下兵帖六郡皆謹呼  
將軍各上馬百道追匈奴  
羊馬滿大野萬帳收穹廬  
英英長平

侯六驪走單于至今青史上猶壯武剛車

當壚曲擬梁簡文帝

初八月上弦十五月正圓當壚設夜酒客有黃金錢  
濃易得曉別遠動經年相送大隄上舉杯良可憐

胡姬年十五擬劉越石

胡姬年十五芍藥正含葩何處相逢好并州賣酒家  
面開春月滿眉抹遠山斜一笑既相許何須羅扇遮

春晝遲

樓觀參差半空起  
縹渺闌干烟霧裏  
綠萍一道浸鴛鴦  
笑聲只隔桃花水  
柳下粉牆斜靠街  
當畫紅門半扇開  
遊絲冉冉挂簷角  
燕子一雙何處來

江南弄

菱尾蒲芽水新足  
沙暖小桃紅夾竹  
誰家燕燕倦東風  
戢翼畫梁春睡熟  
螭頭舫子載醺醪  
勿惜千金買詞曲  
明朝風雨蔽九川  
千里江南芳樹綠

哀亡國

買桑餒蠶絲不多鑿注種藕蓮幾何廣陵夜月瑤花宴  
結綺春風玉樹歌君不見黑頭江令承恩早白髮蕭娘  
情未了狎語淫人夢不醒宮城綠遍王孫草昏昏黃霧  
塞宮門白練寒生玉頸痕錦繡江山春似畫幾傷風雨  
吊迷魂

瑤池曲

曼倩啼饑桃未熟綺窻珠樹層陰綠上清童子晝臨闕  
鸞尾掃雲方種玉芙蓉畫闌春晝長簫韶一派起回廊



八龍未暇送周穆三鳥遽能迎漢皇風雨蒼蒼隔

一作蔽

玄圃不勞西望祠王母贈君桃核大如杯歸植茂陵陵

上土

襄陽白銅鞮曲

襄陽白銅鞮下蹋揚州郭可憐揚州兒棄戈甘面縛大  
隄女兒何命薄青年坐失榮華樂蕩子功成未肯歸閉  
門三月楊花落

神弦十一曲

錄三

聖郎

雙頭牡丹大如斗簇金小帽銀花鏤綠鬪長眉丹激脣  
白馬黃衫灌江口平頭奴子金絲髮六尺竹弓開滿月  
神燹帖尾卧牀前頑蛟尚染刀鏹血靈風颺颺石犀吼  
吳船楚舵紛搔首紅雲忽報七聖來蜀波水色濃於酒

青溪小姑

香鑪盤盤青霧起靈帷撒動金錢紙練帶斜垂八尺冰  
纏項白蛇神色死青溪小姑雙露乳起著神衫代神語

花裙繡袴蹋旋風雙袖翻飛小蠻舞西山日落雲冥冥  
金龍畫燭鐙光青土妖木魅作人立古壁空廊聞履聲  
繁絃嘈雜社鼓吼體挂羊腸磔牛首扶神上馬送神歸  
老狐醉卧簷前柳

湖龍姑

洞庭八月明月寒湖龍捧出玻璃盤湖風忽來浪如山  
銀城雪屋相飛翻白鼉樹尾月中泣倒卷君山輕一粒  
浪花拍碎回仙樓萬斛龍驤半天立雨師騎羊車晝雷

紅旗照波水路開青娥鬢髮紅藍腮紫絲絡頭垂黃能  
神絃調急龍姑來

天狼謠

煌煌天狼星芒角射參昴獨步天東南煜煜竟昏曉天  
弧不上弦金虎斂牙爪萬里食行人白骨遍荒草火熱  
烏龍岡血染朱雀航列宿不盡力五緯分乖張戍客困  
疆場荷戈涕成行誰為補天手為洗日重光

子夜吳聲四時歌四首

朱雀街頭雨烏衣巷口風飛來雙燕子不入景陽宮為  
問秦淮女還知玉樹空

湖上水雲綠荷花十里香  
咿啞木蘭擢驚起睡鴛鴦  
雌雄兩分去不覺斷人腸

白苧鴉頭鞞紅綾錦鞞靴  
玉階零露冷差折鳳仙花  
去蕩遊子秋深不念家

瓦上松雪落鐙前夜有聲  
起持白玉尺呵手製吳綾  
纒

紉一作得征袍縫邊庭草又青

估客行二首

發舟石頭城繫舟梅根渚江月夜寥寥照見家人語  
割裳製家書刺指題日月不知何時到但記今朝發

紅門曲

紅門欲開人漸稀棲鳥啞啞漫天飛西宮寶燭明如晝  
玉筵圍坐諸嬪妃黃羊夜剝博兒赤金椀銀鑪進魚炙  
銀漢依微白玉橋隔花宮漏夜迢迢內城馬嘶丞相朝

富陽行

搖首上馬金鞭揮山頭白旗如鳥飛西來萬騎密蜂蟻  
四面鼓聲齊合圍金城木柵大如斗五百貔貅誇善守  
鐵關不啟火筒焦力屈花搖皆自走城南城北血成窪  
十里火雲飛火鴉將軍豪飲不追殺掠盡野民三百家

燭龍行

燭龍燭龍女居陰山之陰大漠之野視為晝暝為夜吸  
為冬噓為夏虵身人面髮如赭銜珠吐光照天下天地  
寬日月小烏兔盤旋行不了窮陰極漠無昏曉女代天

光補天眇女乃不知日被黑子遮月為妖墓食五緯無  
精光萬象盡奪色下民媵莢皆昏惑燭龍燭龍代天職  
胡不張爾鬣奮爾翼磨牙礪爪起圖南遍吐神光照南  
極補缺免無損傷正畸烏不傾昴妖墓黑子紛誅殛重  
光重輪開萬國胡為藏頭縮尾窮陰北坐視乾坤黯然  
黑乾坤若崩摧吾恐女龍有神無處匿

白翎雀

真人一統開正朔馬上鞮鞢手親作教坊國手頌德問



傳得開基太平樂檀槽唵訝鳳凰齧十四銀鏤挂冰索  
摩訶不作兜勒聲聽奏筵前白翎雀霜矐矐風殼殼白  
草黃雲日色薄玲瓏碎玉九天來亂撒冰花灑檀幕玉  
翎瑋玕起盤礴左旋右折入寥廓萃萃孤高繞羊角啾  
啾百鳥紛參錯須臾力倦忽下躍萬點寒星墜叢薄碧  
然一聲震龍撥一十四絃喑一抹駕鵝飛起莫雲平鷺  
鳥東來海天濶黃羊之尾文豹胎玉液淋漓萬壽杯九  
龍殿高紫帳暖蹋歌聲裏懽如雷白翎雀樂極哀節婦

死忠臣摧八十一年生草萊鼎湖龍去何時回

張魂啼血行

白面於菟行偃草雄劍為牙戟為爪夜越鐵關吞九牛  
弱婦嬰兒眼中飽郊原十里吹腥風白骨塞途秋草紅  
肝腸挂樹野鴉噪鬼火照城人跡空嗚呼獵師心力巧  
藥箭無功機發早舊魂走抱新魂啼一夜黑風天亦老

孟城吟

孟城如斗復如鐵百萬天兵半魚鼈狼星燭地響晴雷

白馬將軍夜流血  
匣中寶劍寒生雷  
一擊能令太山缺  
怒提往斷落星丸  
獻與師臣補天裂

集賽行

集賽兒郎年十八  
手中弓箭無虛發  
黃昏偷出齊化門  
大王莊前行劫奪  
通州到城四十里  
飛馬歸來門未啟  
平明立在白玉墀  
上直不曾違寸晷  
兩廂巡警不敢疑  
畱守親姪尚書兒  
官軍但追上馬賊  
星夜又差都指揮  
都指揮宜少止  
不用移文捕新李  
賊魁近在王城裏

桃花馬歌

卷五十四

房星下飲瑤池清神光夜化花龍精東風滿背騎不得  
冰痕淨洗黃魚腥斑斑朱英點晴雪滴滴真珠汗凝血  
高蹄蹴蹋花雨香仰面嘶春春正熱周家穆滿遊玄圃  
萬里西馳覲王母青絲繫樹搖玉珂錦繡叢中五雲舞  
歸來復入玄都觀紫陌韶華政零亂天閑不數連錢驄  
路人只作文彪看天台九曲溪流芳解鞍春水浮丹光  
劉郎牽入落花去撲面玉鞭蝴蝶忙風流自許王武子

未信叔癡癡不語千年駿骨作銅聲燕昭臺高金似土

二月八日遊皇城西華門外觀嘉孛弟走馬歌

春風壓城紫燕飛繡鞍寶勒生光輝軟沙

一作  
莎

青草

一作

青平似鏡花雨滿巾風滿衣潛蛟雙縮玉抱肚朱鬣分

光散紅霧金龍五爪蟠彩袍滿背真珠撒秋露生猿俊

健雙臂長左脚蹋

一作  
撥

鎧右蹴韁銅鏡四扇遶十指玉

聲珠碎金琅璫黃蛇下飲電掣地錦鷹打兔起復墜袖  
雲突兀鞍面空銀甕馳囊兩邊絕西宮綵樓高插天鳳

皇繚繞排神仙玉皇拍闌誤一笑不覺四蹄如迸烟神  
駒長鳴背凝血郎君轉面醉眼纈天恩翦下五色雲打

鼓歸來汗如雪

原評云嘔出錦心可與挑花爭奇決非驢上詩人語也

附宛平主簿駱馬歌序云宛平火主簿堂訪余於大都雙橋里指其所乘駱馬曰能騎此否余笑曰虎則不能若馬也余固能之矣適翰林承旨汪潤台從騎三十餘自西而東既過余乃執策就馬足甫及鐙則已奮迅馳突入翰林隊中矣羣馬辟易於烟塵中但聞翰林厲聲曰好馬南馳至雙橋越塹而過俯身就韉韉比及手已馳過樞密院街矣遂縱轡至哈達門而回主簿訝余久不返騎他馬來追過于天師菴執手大笑竝轡歸飲漏下初鼓乃散觀此可見玉筍生一片雄心前所評固不虛矣

烏納罕元帥斬新李行

中原惡少稱新李八尺長軀勇無比鐵槍丈二滾銀龍  
白面烏騅日千里攻州劫縣莫敢櫻烏羊渾脫縵胡纓  
輕車壯士三十兩戰則為陣屯為營殿前將軍不敢搏  
羽林孤兒甘受縛柳林道上掠寶車獨樹堆邊劄羶幕  
吐番老帥西南來虎頭不挂三珠牌弊裘羸馬失故態  
寶刀繡澀盛生埃步入中書謁師相願請一作借長纓三  
百丈生縛克魁獻至尊不使朝廷乏名將相臣入奏大

明宮玉音特賜天廐驄親軍百騎備兩翼綠旗盡出東  
華東硬弓二石力逾弩長驅夜走涿城下土岡無樹作  
處著伏兵兩陣相當如怒虎彎彎弓弮抱團月點點槍  
尖飛急雪神駢未隨白羽仆賊顛已逐青萍缺一騎平  
原報捷歸天狗有聲流作血

北庭宣元杰西番刀歌

此刀乃江浙平章教  
化公征淮西所佩者

金神起持水火齊煅煉陰陽結精銳七月七日授冶師  
手作鉗鎚股為礪一千七百七十鋒脊高體狹刀口洪



龍飛蛟化歲月久  
阮師舊物今無蹤  
呱哇繡鑲柔可曲  
東倭純鋼不受觸  
賢侯示我西番刀  
名壓古今刀劍錄  
三尖兩刃圭首圓  
劍脊黝黝生黑烟  
朱砂斑痕點人血  
雕青皮軟金鈎聯  
唐人寶刀誇大食  
於今利器稱米息  
十年土剎松紋生  
戎王造時當月蝕  
平章遺佩固有神  
朱高固始多奇勲  
三公重器不虛授  
往繼王祥作輔臣

戲贈乍浦稅使歌

去年四月雨如竹  
錢幣不行百姓哭  
故人走馬初一官

日日誅求征稅足今年四月雨如箭海賊東來船著岸  
土兵東走百姓空商征不成官吏散故人本是西河夫  
殺賊得官心氣麤如何臨難乃無勇不敢東向鳴桑弧  
君不見彭城劉寄奴長刀獨戰今非無

原評云詞氣豪宕可以激立顏

廉

玉帶生歌

并序

玉帶生端人也事文山丞相為文墨賓與同館謝  
先生翺友善宋革丞相殉國死訃聞生與翺哭于

西臺之下復憫宋諸陵  
暴露私相蓋覆識以冬青  
木而去後翺道卒生今歸會稽  
抱遺老人與秋聲  
予輩為寮中七客初宋上皇以丞相  
思賜生紫衣  
玉帶至今不改其舊服生為人端厚  
強記默識不  
妄開口丞相素重之呼召不以名但曰  
玉帶生故  
作玉帶生歌

鸞刀夜割黑龍尾碾作端溪蒼玉砥  
花鑲鐵面一尺方  
紫霧紅光上書几銀絲雙纏玉腰圍  
翡翠青斑繡紫衣

金星鵠眼不敢現案上墨花皆倒飛景炎丞相魁龍榜

撫玩不殊珠在掌背銘刻骨四十四

文山硯銘丹書小篆四十四字云紫

之衣兮繇繇王之帶兮磷磷中之藏兮淵淵外之澤兮日宣烏乎磨爾心之堅兮壽吾文之傳兮廬陵文天祥

造血錄至今猶可想謝公古文今所師西臺一慟神血

垂獨持老瓦出門去冬青樹邊書憤詞天翻地覆鬼神

怒九廟成灰陵骨露廬陵忠魄上騎箕流落端生何所

寓抱遺老人生計拙愛把文章寫忠烈霜毫一夜電光

飛不必矮桑重鑄鐵

夏蓋山石鼓謠

鼓高一丈徑三尺下有盤石為足謠云石鼓鳴三吳兵

臨平石鼓不自鳴直待蜀桐魚作形陳倉石鼓載文字  
徒有鼓形無鼓聲夏蓋之石或自鳴蓋石一鳴三吳兵  
嗚呼三吳十年厭干櫓不緣夏蓋鳴石鼓

汎舟黃顙湖望梅山

汎舟黃顙湖望見梅仙山嗟我結寶髻晶冰浮銀灣長  
風蕩青蘋雪浪相飛翻魚龍現怪誕水怒山自閒詎知  
神靈意杳在虛無間緬思學仙尉一去何時還幽姿不

可見高風邈難攀落日動簫鼓把酒酬潺湲

冬夜聞雷有感

陽氣渙不收梨花開九月無何玄冬夜火靈飛列缺疾  
雷故旬旬大雨久不輟頑雲聚復散淫風赤如血蟲豸  
不入藏龍蛇競出穴寒威變融燠四序失故節胡為數  
歲中雷向盛冬發委靡不執柄遂為羣陰竊及其不可  
忍奮迅始一決乃於涸寒時礪礪未肯歇龍戰久不解  
險難紛糾結既乖長養意愈使威權褻天怒不終朝王

網有時裂何能堯吾君調理繼稷契先事誅權姦以次  
及羣孽假爾霹靂車為吾左黃鉞普天新號令坐使萬  
國悅煌煌世祖業中道復光烈

秋日古城葉希聖見訪

夫君滄江來訪予清溪曲清溪窈而深佳氣散天旭塘  
蒲澤新雨秋意冷可掬鳥鳴萬山靜猿下雙樹綠相看  
語清晤一作竭來餘響起空谷坐久神宇間斜陽在高

木

於潛點砦經托和齊右丞戰地

路迴山麓交直壁萬仞立浮嵐滴空翠下浸澄泓濕長  
壑拱天嶽壞道駛礮急眷彼巖險勢一夫自敵十要地  
不力戰崩奔胡可戢哀哀左轄公馬革卧原隰孰知王  
師重戴首奉賊級我來訪戰地一慟已莫及日入鬼燐  
生陰風國殤泣

自臨安往富春過芝泥嶺示隨行李巡檢

平明升肩輿相與東西征浮嵐翳遠道宛在雲中行連



山互低昂曲折如送迎接天蔽喬木澗與風爭聲前登  
芝泥頽雨意漸覺晴曛曠日色薄蕭瑟衣裳輕畏途見  
鹿角高岩屯鄉兵綵旗病目眩嚴鼓羈魂驚憑軾若夢  
寐撫髀傷浮生顧謂李飛尉我行猶幾程

臨安道中先寄審景初

朝入臨安山莫上由拳嶺周道無行蹤晴空斷飛影嚴  
闕固高柵壘嶂列危屏荒坳斜日淡虛市野烟冷息肩  
坐茂樹瞑目發深省何庸一作馬蹄塵兵鋒迭馳騁

我有二首

我有騂角弓百步能破敵力強不受藥材美陋越棘時  
能斃飛將萬騎莫敢逼翻翻鐵絲箭刻刻金瓜鏑鼓寒  
霜氣重應手響霹靂豈惟射渠魁眼中已無敵雄哉兩  
縶鞬儼若左右翼時來亦大用不偶直暫塞我弓雖少  
置未許楚人得

我有鴈翎刀寒光耀冰雪神鋒三尺強落手斷金鐵在  
昔臨元戎志在除草竊怒來死不顧決背肝膽裂老蛟

遶腰卧夜枕寒泉冽維時誠女賴豈忍時暫輟中途偶  
棄置竟踐秋扇轍塵埋土花暗繡澀神氣滅思之終永  
傷默坐慘不悅敢忘漢宣詔不負呂虔說金風吹秋郊  
賊馬政侵軼又當携女去舊義未遽絕莫瑩鷓鴣膏恐  
汚荆卿血

席上

彼美璫林姬綠雲何盤盤清歌珠落斗妙舞玉成團風  
急酒暈薄月斜花露寒翦鐙續殘醉把袂接餘懽雖非

長夜飲猶勝萬錢餐

送陳惟允

抱劍入帝都未知何所求  
觀其辭氣間已類朱阿游  
肝膽正激烈既悲還復謳  
欲銷天下難先斷佞臣頭

送鐵崖先生歸錢塘

時新除江西提舉

團花染累吳蠶繭五色文  
綾出金翦海風吹度滕王宮  
南浦西山畫簾卷天狗夜吠  
聲如雷東奎西壁昏煤炰  
土洲自可駕黃犢鐵箸何用  
畫寒灰牛酥燭花春未老

湖上同誰翦芳草真珠酒瀉紫葡萄金錯刀鑄紅瑪瑙  
六橋楊柳香霧深吳娃一笑千黃金莫邪不作老龍舞  
鐵管自成丹鳳吟軟輿送別湖源道江花照人日杲杲  
長風吹送書畫船先生眼空方醉眠

唐五王擊毬圖

興慶宮前春正熟綠楊夾道花如雪毬門風起日西斜  
五馬歸來汗成血潞州別駕醉眼纈雙袖傾歌擁岐薛  
申王控鞍宋王馳杖撲毬囊手親挈草平如掌馬力均

玉鞭十里不動塵黃門扶入五花帳大衾長枕姁家人  
花萼相輝雨氣寒樓中歌管漸闌殘紫騮不蹋毬場路  
萬里青驪蜀道難

中秋碧雲師送蟹

天風吹綻黃金粟簷前老兔飛寒玉客窗不記是中秋  
但覺鄰家酒漿熟泖田秋霽稻未鎌葦箔竹斷收團尖  
紅膏溢齒嫩乳滑脆美簇簇橙絲甜無腸公子誇矍鑠  
兩戟前驅終受縛騰心晝暖白玉臍夔牟夜泣紅銅殼

麴生風度亦可憐且對霜娥供大嚼酒後高歌遶碧雲  
九峰一夜霜華落

青山白雲圖

青山青青白雲白一尺小溪千里隔扁舟棹岸不見人  
雞聲何處秦人宅桃花流水春粼粼不識人間有戰塵  
待得紫芝如掌大歸來甘作太平民

李嵩宋宮觀潮圖

磁州夜走泥馬駒卧牛城中生綠蕪炎精炯炯照吳會

大築錢塘作汴都玉殿珠樓連翠閣七寶簾櫳敞雲幕  
生移艮岳過江南不數東京舊懽樂茂樹盤盤迷綠雲  
龍飛鳳舞峰巒奔玉牀下壓大江小海水正入東華門  
木樨花開秋可數紈紈靈鼉振天鼓海門一線截江來  
雪壁銀城晝飛舞吳商楚估千萬艘黃龍戰船頭尾高  
豈無海道走中土長驅逐北乘風濤烟霧蒼蒼繞城郭  
屋瓦魚鱗互參錯百萬驕民事醉醺坐使中原厭羊酪  
因循六帝不復讎西風八月凭江樓攢宮人飲白骨恨



洪波不洗青衣羞，邦基削盡師臣逐。  
軹道人降子嬰，哭繡胸文錦蹋浪兒。  
反首誰能報君辱，廟子沙頭卓大旗。  
天吳縮頸不敢馳，行人指塢話揚璉。  
三十六宮秋草飛。

題華山高卧圖

蹇驢不蹋豐丘塵，華山歸卧雲臺雲。  
曲肱枕石且適意，世事耳邊殊不聞。  
建隆天子小天下，自起潛行風雪夜。  
經濟元臣不敢眠，夜夜衣冠待車駕。  
南征北伐事紛紜，猛將四出貌貅軍。  
盡取荆吳并蜀廣，牀頭鼾睡只容君。

周昉橫笛圖

一婦跨燈如習騎一婦鵠立類勇士一婦橫笛坐胡牀  
容貌衣裳略相似鬢髮雲髻作懶妝丫鬟手擎紅錦囊  
人言天寶宮中女我意梨園舊樂娼憶昔承平生內荒  
宮中消息漸難藏昨宵一曲寧哥笛明日新聲滿教坊  
春嬌滿眼情脈脈喚起紅桃親按拍不將三弄作伊涼  
潛把閒情訴秦號聲妻調低承索索碧然有聲如裂帛  
月落長安天四更六宮一夜梨雲白

太真明皇竝笛圖

黑奴絃索花奴鼓譚奴撫掌闍奴舞阿環自品玉玲瓏  
御手夷猶親按譜風生龍爪玉星香露濕櫻脣金縷長  
莫倚花深人不見李暮側足傍宮牆

此詩見鐵崖集其  
前尚有十六句裁

去較  
勝

雙龍圖

雲谷道人手持一片東溪纒雲林散人為作雙龍出入  
清潮圖硯池濃磨五斗墨手塗脚踏頃刻雲模糊既不

為爬山引九子亦不作掣電吞雙珠但見一龍盤空偃

蹇飛下尾閭穴一龍攬海奮迅直上青天衢雄者筋脈

緊雌者腹肚麤雙銜交挺白玉柱兩角對樹青銅株宛

宛修尾卷蹴浪花白聶聶鉅甲挾拍闕風鳥性馴肯入

孔甲駕氣惡欲踢豐隆車張叻啖阿香舞爪擎天吳轟

霆時或取旱魃飛雨自足蘇焦枯寸池尺泊雖云不能

一日處十年未用猶可高卧南陽廬雲谷子七寶鉢盂

深袖手雲林子光環金錫且載闕吾將倒三江傾五湖

洗餘百戰玄黃血盡率凡鱗朝帝都

題黑神廟

雄巫啞角神犀吼翻脚翩躚起筋斗血偃怒嚼葛黨刀  
剝面腥風下天狗烏騅挐雲捷飛豹金獸吞頭渾脫帽  
青蛇丈八裊蠻旂北府新分南嶽號卷魚鷗吻高插空  
飛甍列棟紛青紅花裙草袴自膜拜白日椎鼓夜擊鐘  
莫搖酋長不平賊十丈龜趺誇石刻既不能阜旂玄甲  
接武黑雲都謾綴竿旄半天黑君不見兗州祠鎮星會

稽借鬼兵并埋骸骨爛屍與雉堞平嗚呼五花營千里  
馬珠如礫金如瓦亡妻走妾各事仇三尺弓弦淚成把  
黑神黑神何為者

投贈周元帥十韻

玉帳臨江近金城鎮海遙鼓聲秋動地劍氣夜衝霄露  
下星河白風高草木彫山寒旗獵獵沙靜馬蕭蕭左廣  
初傳駕西船已畏燒五離纔散鼠六博又成梟豪傑乘  
時奮賢材早見招紫樞虛上座黃闥待清朝會見擒奸

操歸來醉小喬恩波門外柳長拂富春潮

寄天香師

圓帽頂紅毳方袍塔絳紗海龍邀早飯山鹿進秋花試  
墨探倭紙尋泉鬪建茶時拋紅豆粒竹下喚頻伽

贈西僧

西離五印度東渡獨繩橋海若擎雙足天花上七條胡  
經函貝葉飯鉢繫椰瓢回首流沙路程途十萬遙

鐙下有懷

憶昔童娉店高屯坐夕曛樹聲呼出月石角礙回雲野  
雉穿花見清猿隔澗聞馬頭三四子曾縛故將軍

荅問湖源風土

湖源源上路東與浦陽連地勝藏春隴民居小有天秋  
山紅入畫晴野白浮烟一道桃花水如今泊戰船

聞說

聞說江城破歸心夢裏驚肺肝從此熱手足近來輕春  
事愁花朵晨齋怯鼓聲平生慕王猛今日莫談兵



取青樓夜飲戲葉子肅

酒令傳觴急，鐙花啣燭低。  
山人清似水，老子醉如泥。  
天黑月墮地，水寒星在溪。  
猶吹赤蹄紙，照道畫樓西。

送哲古心往吳江報恩寺

蘭若壓江橋，長廊晝寂寥。  
鳥啼春後樹，龍起定中潮。  
花雨隨風散，茶烟隔竹消。  
客程他日路，清話借通宵。

聽雪齋

萬籟入沈冥，坐深窻戶明。  
微于疎竹上，時作碎瑤聲。  
撲

紙春蟲亂爬沙夜蟹行表安政無寐欹枕漏三更

大都即事六首

平章橋上日光祿寺前春楊柳綠垂地桃花紅照人粉  
香迷醉袖草色妬行輪屠狗悲歌者空埋泉下塵

三月西山道春風平則門繡鞍紅叱撥羶帽黑崑崙衣  
襪分香裏壺餅借火溫醉歸楊柳月綠霧掩黃昏

小海春如畫斜街曉賣花連錢遊子騎斑竹美人家襖  
色搖紅段擊香鬪蠟茶額黃斜入鬢側髻半翻鴉

楊柳莫鴉唬鐘樓日又西  
小車隨客散歸馬望塵嘶  
碧瓦差宮樹金波溢御隄  
時平足行樂誰問醉如泥

紅雪點綿袍青樓酒價高  
朱絲紅羅紗玉斗紫蒲萄  
春餽行綾卷秋醃割佩刀  
簾鉤風不定觸損鷓翎毛  
千步廊前月朦朧照御街  
風簷鳴寶鐸雷板耀金牌  
城影平鋪地樓陰半上階  
誰家吹短調一夜亂春懷

感古

關內收三傑淮南養八公  
金成幽血碧龍起瑞雲紅  
過

眼王章碎回頭帝業空惟餘白楊樹一類響悲風

寄馬將軍

馬服古名將孤軍鎮海壖射鵰天雨血拔槊地飛泉  
箏手調銀甲花奴遞玉鞭虎營燈火夜自注十三篇

寄中山隱講師

問訊山中隱中山第幾重風廊巡夜虎雲鉢聽經龍  
流水千溪月寒巖一樹松無因淨查萍來共上堂鐘

簡顧明府

水國差徭重江城廬舍稀曉星懸印出春雨勸農歸官  
馬哦新月公庭散夕暉欲知通守瘦但視野人肥

贈張習之

膏雨晝廉纖鑪烟不隔簾燕泥侵玉塵蛛網挂牙籤夜  
枕花頻妬春衫酒半淹綠窻人散後明鏡摘風髯

立仗馬

照夜玉狻猊霜毛鐵鑿蹄春風金絡腦小雨錦障泥御  
駕馳天上軍封受海西日供三品料絨口不聞嘶

次鐵笛道人韻

翠黛鎖眉山，穠愁無處安。  
玉環雙鳳叫，珠髻九龍盤。  
花落夢初斷，鶯啼春未闌。  
檀槽兒女語，昵昵向誰彈。

送海一漚十韻

尊者來從乾竺國，畏途生出玉門關。  
地窮西北河為帶，水盡東南島若環。  
劫火自如潮勢吼，禪心已似石頭頑。  
法華雨施金盃水，貝葉經挑錫杖鐶。  
幻境萬家蝴蝶夢，滄波一箇野鷗閒。  
染輕龍女花難著，德重天廚食自頒。

灑氣秋橫銀色界，白毫夜破鐵圍山。  
櫻溟此日浮杯去，蔥嶺何年隻履還。  
佛日未應違下國，甘霖直欲遍人間。  
探窮大地蛟蛇窟，歸立闕虎豹班。

遊黃公洞十八韻

十月山城氣候偏，黃公洞裏看春妍。  
五紋鶻雀嬌疑鳳，千葉蟠桃大似蓮。  
巨彈落星天狗碎，神砮出土佛牙堅。  
雜花冉冉張紅錦，芳草茸茸卧綠氈。  
厓瀉蜂腰橫斷杵，巖撐虎口抱空拳。  
澗邊野雉如人立，松下馴麕傍母眠。

峰隱金雞啼曉月瀑翻銀漢下長天十圍龍竹高逾樹  
五頂神芝秀結拳蘚壁冷雲封鬼谷寶函金穴祕神淵  
杵遺商皓棊三角劔缺黃巢石半邊丹火有人畱蛻骨  
玉棺幾度葬神仙扶危鐵柱高擎掌代步花輿不下肩  
世隔衲僧方廣地路迷漁父武陵船華陽未老陶弘景  
勾漏先歸葛稚川記歷何嘗知晉魏流光端可繼彭錢  
蓬萊方丈圖間現流水胡麻世上傳欲報穀城山下礦  
已無圯上袖中編便當導引師吾祖深避衡茅一萬年



井西丹房

葛井西頭更向西丹房高與白雲齊  
鉛田虎下飛紅電  
汞海龍沈結紫泥  
山鬼俯闌窺火候  
鑪神伏地勻刀圭  
飲餘一盞中黃酒  
坐聽鶉聲松上啼

題院人畫小景

高棟層軒夜未央  
溶溶新綠漲池塘  
風輕楊柳金絲軟  
月淡梨花玉骨香  
亂唾碧茸紆曲徑  
獨循青瑣轉迴廊  
千金一刻誰能買  
輸與豪家白面郎

席上得搖字

翠館行厨雪乍消  
牆頭新柳又垂條  
珊瑚枕煖人初醉  
鸚鵡籠寒舌未調  
座上綵鸞珠插鬢  
掌中飛燕玉圍腰  
海棠一夜東風軟  
落盡雲邊金步搖

嬉春

春來何處惱柔腸  
柳下人家綠瑣窗  
畫棟歌塵珠簌簌  
雕盤舞袖翠雙雙  
雙鼓翻芍藥  
雷轟座酒熟  
醪醑雪滿缸  
最憶瑤芝堂  
下路一宵歸  
夢隔春江

贈張帥

馬似游龍槩似蛇  
弁登雄雉服登猊  
聲吞漢賊當陽坂  
氣壓秦皇博浪沙  
蔽日浮雲行按劍  
滿天明月卧吹笳  
同宗亦有狂書客  
坐對寒窗擬禡牙

與甯子廉馬敬常飲酒得移字

我愛中州雙國士  
尊前為我解金龜  
南山石爛歌逾緩  
銅柱沙沈跡未移  
割土有人窺漢鼎  
磨崖無客頌唐碑  
狂生雅抱澄清志  
中夜一作聞雞起舞時

登齊政樓

層樓拱立夾通衢  
鼓奏鐘鳴壯帝畿  
萬古晨昏常對待  
兩丸日月自雙飛  
壽山樹色籠佳氣  
御水波光蕩落暉  
手把闌干頻北望  
心如征鴈獨南歸

春日

彩毫漆點新蟬翼  
奚墨雲磨舊馬肝  
月落小窗瓊珮冷  
夢回孤枕玉釵寒  
茶蘼架雪香生宴  
么鳳籠烟醉倚闌  
笑我一春長閉戶  
柳花填巷卧袁安

賦松江漁者

短檝輕舟白髮翁  
往來常在泖西東  
一篙綠水孤篷外  
九點青山落照中  
不盡春光楊柳雨  
無邊秋興蓼花風  
鴟夷盛酒羊裘卧  
表海封齊莫論功

王氏小桃源

一簇林塘隱者棲  
天然畫出武陵溪  
循牆流水灣灣曲  
匝屋桃花樹樹低  
春雨閉門山犬吠  
炊烟隔竹午雞啼  
幽深直待一作秦人避  
但恐漁郎自路迷

留別賽景初

暖雲將雨驟陰晴四月羅衣尚未成  
萬點愁心飛絮影  
五更殘夢賣花聲  
方空越白承恩厚  
繡襦諸子照道明  
自笑窮途不歸去  
空懷漫刺闔閭城

臨安軍前

寂歷荒城遍野蒿  
昔人事業已徒勞  
鴈將秋色催歸馬  
楓引霜花入戰袍  
地阻東南鄉信遠  
天昏西北陣雲高  
不堪屢作還家夢  
起向一作倚西風撫大刀

書憤

離宮金翠化為烟土宇彫零舊幅員豈是相君酣醉日  
况逢天子中興年武關兵馬全無信浯水文章久未鐫  
白髮詩翁憂帝室長歌泣血拜啼鵑

良宵

良宵情緒不堪題立遍闌干意欲迷鐵撥忽一作敲壺

口破金刀頓一作頻剪燭心齊綠分楊柳湘簾細紅壓櫻

挑斗帳低彷彿第三橋畔宿月明珠樹夜烏啼

次韻贈張省史從軍南征

霞天金鼓紫駝驕  
阜纛連珠畫斗杓  
甲馬魚鱗開曉日  
錦袍花萼上春潮  
枕柳雨暗湯泉溢  
茱萸風暄海瘴消  
幕下何人專草檄  
共誇謀議得張昭

畫扇

渴龍飲清江  
江水皆倒立  
風雨滿山來  
石楠半身濕

湖上二首

綠蓋遮籠菡萏碧  
瀾搖蕩鴛鴦  
菴畫船中鼓板銷金鍋



裏時光

紅杏牆頭粉蝶綠  
楊窗外黃鸝何處春光最好踏青人  
在蘇隄

夜月

夜月小樓簾策東風深院琵琶料理宿醒未了春光又  
在鄰家

題畫

遠岫層層何處矮房簇簇誰家烟樹夕陽歸鳥清溪古

渡橫槎

許將軍郊居

東青門東草地平  
曉來濃霜如雪明  
細弓膠勁不須焙  
手撚髀頭尋鴈聲

簡竇彥南

二十四橋風月清  
瓊花觀裏坐吹笙  
金盤露冷凝脂滑  
一夜新霜睡不成

竹蝶圖

落盡春紅春夢熟平沙小苑窗中綠美人睡起背東風  
蛺蝶飛來上脩竹

鐵笛道人遺篳篥七絕

并序

朔客有以篳篥遺道人者道人以送予且將以詩  
仍率五溪馮溥錦泉馮文和以成什予深愧無李  
龜年之藝而虛得張承吉之名也既次第來韻復  
賦此荅美意且邀李桐屋僧守仁同賦

贊皇太尉有新題不減吳江與會稽最憶秋山霜月夜

卷蘆一曲醉如泥

朔客蒼頭一尺髭  
酒酣氣熱卷蘆吹  
花娘不展徘徊拜  
虛負王孫五字詩

長安城裏紫葡萄  
闕塞遺聲透月高  
一十八星清竅冷  
無人喚起薛陽陶

南徐江上月黃昏  
誰嚼寒鑪對酒尊  
滿耳南風全不競  
空煩公主嫁烏孫

漢家鹵簿最多儀  
來駕雙狐武騎隨  
不似酒邊呼李袞

靜攜九漏月中吹

一曲邊聲繞月樓  
滿天兵氣似并州  
塞鴻不管關山怨  
閒却吹螺小比丘

國手傳聞張野狐  
清歌最善月中盧  
風前靜洗箜篌耳  
別畫明皇按舞圖

方頤

方頤大口玉顏紅  
七尺長身猛似熊  
偏得將軍傳武藝  
闊街飛馬背開弓

題畫

晴川渺渺停春水怪石峨峨插亂山最愛夕陽烟寺裏

千株古木一

一作伴

僧間

趙集賢枯木竹石

槎牙老樹響天風寂歷幽篁泣露叢惆悵玉堂舊公子  
故家陵廟月明中

楊允孚灤京雜咏

允孚字和吉吉水人

闕

有灤京雜咏

傳于世邑人羅大已序之曰楊君以布衣襤被歲  
走萬里窮西北之勝凡其山川物產典章風俗無  
不以咏歌記之兵燹所過葬為丘墟回視曩遊慨  
然永歎郭靜思云茫茫天壤名常在賴有灤京百  
咏詩蓋道其實也

灤京雜咏一百首

北顧宮庭暑氣清神堯聖禹繼昇平今朝建德門前馬

千里灤京第一程

此以下多述途中之景  
行幸上京蓋云避暑也

納寶盤管象輦來畫簾氈暖九重開大臣奏罷行程記

萬歲聲傳龍虎臺

龍虎臺納寶地也凡車駕行幸  
宿頓之所謂之納寶又名納鉢

宮車次第起昌平燭炬千籠列火城纔入居庸三四里

珠簾高揭聽啼鶯

營盤風軟淨無沙乳餅羊酥當啜茶底事燕支山下女

生平馬上慣琵琶



羽獵山陰射白狼  
太平天子狩封疆  
峯巒頻轉丹樓穩  
輦路初停白晝長

居庸千古翠屏環  
飛騎將軍駐兩關  
萬里車書來上國

太平弓矢護青山

兩關謂南口北口

穹崖幻出梵王宮  
雙塔中間一徑通  
四月雨餘山更碧

六龍行處日

初紅至正年間始營雙塔宮闕巍峩直通絕嶺

翎出王侯部落多  
香風簇簇錦盤陀  
燕姬翠袖顏如玉

自按轅條駕駝

轅條車前橫木按之則輕重前後適均

仙峽琴鳴水木多別離見月奈愁何題名石壁遼金字

宿雨殘風半減磨

彈琴峽也

狼山山下曉風酸掩面佳人半怯寒倚戶殷勤喚嘗粥

正宜倦客宿征鞍

俗賣豆粥

榆林御苑柳絲絲昨夜宮車又黑圍宿衛一時金帳卷

鎗竿珍重白雲飛

此處有御苑黑圍地名大駕經由之所俗云龍上鎗竿是以御駕不由此

處

斷堤遺址古長城一逕中分萬柳青年少每快昔酒美

詩人偏厭綺羅腥

汲井佳人意若何  
輓轡渾似挽天河  
我來濯足分餘滴

不及新豐酒較多

此地慳水故也

莫道槍竿危復危  
有人家住白雲西  
兒童采棘顛崖去

杜宇傷春盡日啼

李老谷前山石癰  
何年此上遂民居  
老龍若作三更雨

頃刻茅簷數尺餘

馬上重看尖帽山  
山頭無數白雲間  
漢家天子真龍種

抔土長陵為設闕

迺葬后妃之所設衛卒馬

北去雲州去路賒  
馬駝殘夢憶京華  
寒風浙澀山無數  
樹影參差月未斜

萬古龍門鎮兩京  
懸崖飛瀑一般清  
天連翠壁千尋險  
路繞寒流百折橫

塞北凝陰無子規  
曉看山色不勝奇  
堅冰怪石澗邊路  
殘月踈星馬上詩

東京亭下水濛濛  
敕賜遊船兩兩紅  
回紇舞時杯在手

玉奴歸去馬嘶風

南國鄉音漸漸稀  
朔風吹雪上征衣  
邊鴻飛過桓州去  
更向窮陰何處歸

窩名檐子果何如  
野草黃雲入畫圖  
弧矢縱懸仍覓侶  
塞前番語笑人迂

驅車偏嶺客南還  
始見胡姬笑整鬟  
誰信片雲三十里  
寒暄只隔此重山

過人到偏頭之北面不可洗頭不可梳冷極故也過此始有暖意素非高

嶺寒氣止隔于此良可怪也歎

李陵臺畔野雲低月白風清狼夜啼健卒五千歸未得

至今芳草綠萋萋

此地去上京百里許

鴛鴦坡上是行宮又喜臨岐象馭通芳草撩人香撲面

白翎隨馬叫晴空

哈喇威至此始合轍馬即察罕諾爾白翎草地所產

夜宿羶房月滿衣晨餐乳粥椀生肥憑君莫笑穹廬矮

男是公侯女是妃

歡喜坡邊望禁城鸞翔鳳翥卿雲清舉杯一吸灤陽酒

消盡南來百感情

此以下敘灤京之景及聖駕往還典故之大概

鐵番竿下草如茵澹澹東風六月春高柳豈堪供過客

好花留待踏青人

即鄂爾多踏青人指宮人也

先帝妃嬪火失房前期承旨達灤陽車如流水毛牛捷

躡縷黃金白馬良

毛牛其毛垂地火失躡房乃累朝后妃之宮車也

聖祖初臨建國城風飛雷動蟄龍驚月生滄海千山白

日出扶桑萬國明

上京大山舊傳有龍居之奉白宥通

北闕東風昨夜回今朝瑞氣集蓬萊日光未透香烟起

御道聲聲駝鼓來

謂駝鼓也

撒道黃塵輦路過香焚萬室格天酥兩行排列金錢豹  
欽察將軍上馬駝

又是宮車入御天麗姝歌舞太平年侍臣稱賀天顏喜

壽酒諸王次第傳

千官至御天門俱下馬徒行獨至尊  
騎馬直入前有教坊舞女引導且歌

且舞舞出天下太平字樣至  
玉階乃止內門曰御天之門

九奏鈞天樂漸收五雲樓閣翠如流宮中又放灤河走

相國家奴第一籌

灤河至上京二百里走者名賈赤黎  
明放自灤河至御前已初中刻者上

賞



得寵親王馬上回朱門繡闥一時開淋漓未了金釵宴  
中使傳宣御酒來

大安閣下晚風收海月團團照上頭誰道人間三伏節

水晶宮裏十分秋

大安閣上京大內也別有水晶殿

四傑君前拜不名輪番內直決辰更蓬萊山上羣仙集  
得似王孫世祿榮

四傑即四怯薛也或稱伊克伊賽者即大集賽之稱是之謂不名當三問

凡所以決辰一更者也

北極脩門不暫開兩行宮柳護蒼苔有時金鎖因何掣

聖駕棕毛殿裏回

棕毛殿在大鄂爾多

曙色蒼茫闔闔開相君有奏入蓬萊須臾雲擁千官出  
又帶天邊好雨來

結綵為樓不用肩角聲扶上日初明龍駒河北王來觀  
直入金門下馬行

相國門前柳未花不多嫩綠便藏鴉東風吹得濃陰合  
散入都城百萬家

千官萬騎到山椒箇箇金鞍雉尾高下馬一齊催入宴

玉闌干外換宮袍

每年六月三日詐馬筵席所以喻其盛事也千官以雉尾飾馬入宴

錦衣行處狡狴習詐馬筵前虎豹良特勅雲和罷絃管

君王有意聽堯網

詐馬筵開盛陳奇獸宴享既具必一大臣稱吉思皇帝禮撤于是而後

禮有文飲有節矣雲和署

隸儀鳳司樂掌天下樂工

儀鳳伶官樂既成仙風吹送下蓬瀛花冠簇簇停歌舞

獨喜簫韶奏太平

儀鳳司天下樂工隸馬每宴教坊美女必花冠錦繡以備供奉

麗日初明瑞氣開千官錫宴集蓬萊黃門控馬天街立

丞相簪花御苑回

聿來新貢又殊方重譯寧誇自越裳馴象明珠龜九尾

皇王不寶壽無疆

萬歲山有九尾龜

嘉魚貢自黑龍江西域蒲萄酒更良南土至奇誇鳳髓

北陞異品是黃羊

黑龍江即哈喇穆撈也鳳髓茶名黃羊北地所產御膳用

太平天子重文曹閣建奎章選俊髦一自六龍天上去

至今黃帕御牀高

昔文宗建奎章閣于大內年深灑掃睹御榻之巋然感而賦此

內人調膳侍君王玉仗平明出建章宰輔乍臨闈闔表

小臣傳旨賜湯羊

御前厨常膳有曰小厨房大厨房小厨房則內人八珍之奉是也大厨房

則宣徽所掌湯羊是也由內及外膳既畢羣臣始入  
奏事每湯羊一膳具數十六餐餘必賜左右大臣日以  
為常予常職  
賜故志其詳

曲曲闌干兔鹿馴雨肥綠草度青春主來不避韓盧獵  
慣識金衣內貴人

銀蹄天馬衣氍毹肉食尋常斗酒俱可惜東遊巡海者  
不教騎看試何如

仙娥隱約上簾鉤笑倚闌干出殿頭鸚鵡臨階呼萬歲  
白翎深院度清秋

宮人兩兩凭闌干又喜新除內監寬金線  
戲花鞦韆樣小免教羅鞵步輕寒

澹墨輕黃淺畫眉小絨絛子翠羅衣  
君王又幸西宮去齊向花陰鬪草歸

香車七寶固姑袍旋摘脩翎付女曹  
別院笙歌承宴早

御園花簇小金桃

凡車中戴古庫勒其上羽毛又尺許拔付女侍手持對坐車中雖后妃駝象

亦然

窈窕仙姝出禁闈小西門外綠楊隄  
五陵公子多豪縱

緩勒驕驄不敢嘶

鳳樓春暖翠重重  
內禁門開曉日紅  
寶馬香車金錯節  
太平公主幸離宮

侯王甲第五雲堆  
秦虢夫人夜宴開  
馬上琵琶仍按拍  
真珠皮帽女郎回

湯羊肉膳日差排  
紅帖呼名到玉階  
底事金吾呵不住  
腰間懸得象牙牌

東城無樹起西風  
百折河流遶塞通  
河上驅車應昌府

月明偏照魯王宮

官妓平明直禁闈  
瑤階上馬月明歸  
宮花飛落春衫袖  
辛苦桑麻入夢稀

內宴重開馬湏澆  
嚴程有旨出丹霄  
羽林衛士桓桓集

太僕龍車款款調

馬湏馬妳子也每年八月開馬妳子宴始奏起程太僕寺掌馬者

鸞輿八月政高翔  
玉勒雕鞍萬騎忙  
天上龍歸纔帶雨

城頭夜午又經霜

每年駕起其夕即霜異哉

南坡暖翠接南屏  
雲散風輕弄午晴  
寄語行人停去馬



六龍飛上計歸程

南坡乃納寶地也故遊人罕至焉

月出王孫獵兔忙玉驄拾矢戲沙場皮囊乳酒鑼鍋肉

奴視山陰對角羊

良馬驟馳拾墮箭橘綠羊或四角六角者謂之迭角羊迭義未詳以其角

之相對故曰對角毛角雖奇香味稍別故不升之鼎俎于以見天朝之玉食有等差也

雍容環珮肅千官空設番僧止雨壇自是半晴天氣好

螺聲吹起宿雲寒

西番種類不一每即殊禮燕享大會則設止雨壇於殿隅時因所見以發

一晒

正元紫禁肅朝儀御榻中間寶帕提王母壽詞歌未徹

雪花片片彩雲低

此以下多叙一年之景并雜咏之物

元夕華燈帶雪看  
佳人翠袖自禁寒  
平生不作蠶桑計  
只解青驄鞞繡鞍

試數窗間九九圖  
餘寒消盡暖回初  
梅花點遍無餘白

看到今朝是杏株

冬至後貼梅花一枝於窗間  
佳人曉妝後以胭脂日圖一  
圈八十一圈既

足變作杏花  
即暖回矣

脫園窈窕意如何  
羅綺香風漾綠波  
信是唐宮行樂處

水邊三月麗人多

上巳日灤京士女競作繡圈  
臨水棄之即修禊之義也

葡萄萬斛壓香醪華屋神仙意氣豪  
酬節涼糕猶末品

內家先散小絨絛

重午節也

百戲遊城又及時西方佛子閱宏規  
綵雲隱隱旌旗過

翠閣深深玉笛吹

每年六月望日帝師以百戲入內從西華門入然後登城設宴謂之遊皇

城

紫菊花開香滿衣地椒生處乳羊肥  
羶房納石茶添火

有女褰裳拾糞歸

紫菊花惟濠京有之名公多見題品地椒草牛羊食之其肉香肥納卜齋

韃韃  
茶

為愛琵琶調有情月高未放酒杯停新腔翻得涼州曲

彈出天鵝避海青

海青挈天鵝新聲也

海紅不似花紅好杏子何如巴攬良更說高麗生菜美

總輸山後蔘菰香

海紅花紅已攬仁皆果名高麗人以生菜裹飯食之尖山產蔘菰

四月東風漸漸和流波細細出官河詩人策馬紅橋過  
御柳今朝絲較多

偶因試馬小盤桓明德門前御道寬樓下綠楊樓上酒

年年萬國會衣冠

明德門午門也

怪得家僮笑語回門前驚見事奇哉老翁攜鼠街頭賣

碧眼黃髯騎象來

黃鼠獠  
京奇品

一曲琵琶可奈何昭君青塚恨消磨可憐西地黃雲起  
不似連天芳草多

翠樓紫閣盡崔巍花落花開不用催最是多情天上月  
照人西去又東來

承恩畱守是何王錦帳成圖促宴忙却怪西風渾不顧  
一般吹送滿頭霜

不須白粲備晨炊  
乳酪羊酥塞北奇  
泥土炕牀銀甕酒  
佳人椎髻語侏離

東風亦肯到天涯  
燕子飛來相國家  
若較內園紅芍藥

洛陽輸却牡丹花

內園芍藥望亭亭直上數尺許花大如斗揚州芍藥稱第一終不及上

京也

賣酒人家隔巷深  
紅橋正在綠楊陰  
佳人停繡凭闌立  
公子簪花倚馬吟

白白氈房撒萬星  
名王酣宴惜娉婷  
李陵臺北連天草

直到開平縣裏青

東風吹暖柳如烟寄語行人緩著鞭  
燕舞巧防鴉鵲落  
馬嘶驚起駱駝眠

時雨初肥芍藥苗脆甘味壓酒腸  
消揚州簾卷東風裏

曾惜名花第一嬌

草地芍藥初生軟  
美居人多采食之

霜寒塞月青山瘦  
草實平坡黃鼠肥  
欲問前朝開宴處

白頭宮使往還稀

文宗曾問宴  
于南坡故云

雖然玉宇桂無花  
秋比江南分外佳  
絃管畫樓人散去

舍郎攜妓勸嘗瓜

俗以月下送瓜果往  
還上京不產桂花

御饌官厨不較餘金門掌膳意勤如更分光祿餅中酒

爛醉歸時月上初

凡御膳及民間者謂之  
貢餘光祿寺掌御酒

別却郎君可奈何教坊有令趣興和當時不信郵亭怨

始覺郵亭怨轉多

典和署迺教坊司  
屬掌天下優人

窈窕誰家女未筭日高停繡出簾惟背人笑指青霄上  
認得宮庭白鴿飛

灤京九月雪花飛香壓萸囊與夢違鴈字不來家萬里



狐裘旋買換征衣

雪深連月與簷齊誰把新吟向客題  
一字成時筆如鐵  
不如載酒畫樓西

出塞書生瘦馬騎野雲片片故相隨  
凍生耳鼻雪堪理

冷入肝腸酒強支

凡凍耳鼻即以雪揉之方回逆火則脫

宮監何年百念消冠簪驚見髻蕭蕭  
挑鐙細說前朝事  
客子朱顏一夕彫

買得香梨鐵不如玻瓈椀裏凍潛蘇  
書生半醉思南土

一曲鐙前唱鷓鴣

梁子受凍其堅如鐵以井水浸之則味回可食

強欲驅愁酒一卮  
解鞍閒看古祠碑  
居庸千載興亡事  
惟有天中月色知

塞邊羝牧長兒孫  
水草全枯乳酪存  
不識江南有阡陌  
一犁烟雨自黃昏

試將往事記從頭  
老鬢征衫總是愁  
天上人間今又昔  
灤河珍重水長流

潘音待清軒遺藁

音字聲甫天台人生十歲聞崖山之變昏迷不食者累日長而絕意進取衣服禮節皆仍宋時之舊擬野蔬以自給或勸之曰夷齊尚矣陶靖節心雖為晉未嘗不食粟今何自苦乃爾於是躬耕世田十餘畝非其力不食也築室南洲山中扁其軒曰待清或勸之著述曰六經語孟先儒所言備矣吾何以注脚為居閑感憤或形之咏歌以洩其悲思

慷慨之志讀書有得往往筆之壁牖間至正三年  
詔徵天下遺逸廉訪使檄贊之行固辭嘗歎曰泉  
石膏肅非其時莫可療也乙未歲卒年八十有六  
時明太祖已渡江取太平路矣兵火後卷帙散亡  
嘉靖間七世孫日升搜葺其遺稿及讀書錄并刻  
之

有所思

中心有所思感損雙蛾眉美人竟長往使我歎離居寂

寔就孤枕強眠誰得知夜深清露重飛夢欲何之覺來  
日遲遲分照上羅幃妝臺理雲鬢種種盡成絲

遠遊

聖人久不作大道將已矣吾生既無之惟有幸夕死殷  
勤謝良友遠涉西江水方從草廬公共究鸞湖旨紛紛  
朱陸議竊幸窺端倪奈何執德偏一聘翻然起春秋嚴  
內外乾坤定冠履西蜀已空亭箕山仍洗耳迢迢返巖  
阿惟當隨鹿豕

待清軒

殷本高辛裔六七起聖君受王一剝喪高賢盡隱淪坐  
待天下清用沽席上珍况茲黃袍破我生當其辰衣冠  
歸殊域海國陷黃塵寧有人間世能逃率土濱結茅菩  
提頂渾忘虎豹鄰寤寐祇思晉幽沉迴避秦何時啟昌  
運中國產聖人願言同二老荷杖還歸仁

山中寄友人

我來卧白雲潭影清華髮經歲無稻粱侵晨采薇巖峰

頭天籟鳴隴上樵歌發還擬醉濁醪與君弄山月

反北山嘲

達人知進退曲士豈同謀盡使藏身去誰當為國憂烟霞成痼癖聲價藉巢由虎嘯雄心在胡為鶴唳愁

友人夜宿

雲山多樂事叢桂共君攀別去十年久歸來兩鬢斑倚  
窻邀素月把酒慰離顏醉後松堂卧濤聲落枕間

南洲丁氏草堂

仙客栖真處，衡門枕曲流。  
地偏三島接，天迥萬山浮。  
匣劍星霜久，函書洞壑幽。  
忘機對鷗鳥，華髮老滄洲。

悼楊侍郎

屈指漢遺老，如君復幾何。  
鳳池冠劍近，鈴閣典章多。  
國已成禾黍，人還隱薜蘿。  
那堪川上水，東逝乏迴波。

山居阻雨

霏霏風雨暗郊原，有客含淒獨掩門。  
山鬼嘯雲移峭壁，毒龍將海浸孤村。  
愁來自灑青楓淚，戰罷誰招絕漠魂。



蘭足空齋無一語不因岑寂怨黃昏

東溪水漲

積雨經時苦自長東溪迴首意淒涼連山巨浪飛春雪  
數點驚鷗下夕陽神女含情愁洛浦美人揮淚灑瀟湘  
欲尋舟楫無由渡咫尺天涯共渺茫

登樓秋望

木落霜清鴈影流偶來長嘯獨登樓笳鳴薄暮寒鴉集  
劍倚遙空紫電流萬里胡塵連大漠一尊漢月醉高秋

深閨少婦思征戍何處聞砧不動愁

真覺寺訪蔡上人

為尋支遁扣禪關  
趺坐觀空出宇寰  
淨土無塵勞白拂  
天花如雨落青山  
龍皈寶座香雲滿  
鶴繞經臺佛日閒  
誰謂陶潛偏嗜酒  
從今蓮社未應還

龐德公

高士遺蹤尚可尋  
襄陽城外闕幽林  
久知軒冕浮榮薄  
已卜耕鋤樂趣深  
麟閣不圖丘壑相  
鹿門應遂白雲心

千秋事與人俱往滿目松楸帶夕陰

讀岳武穆傳

萬里浮雲入望陰千山落日正沈沈  
當朝自餒中興志出塞徒勞上將心  
臣子終天仇未復姦邪設險計殊深  
惟餘一篋精忠傳揮淚頻看不自禁

悼文丞相

回首中原已陸沈捐軀朔漠氣蕭森  
恐吹餘燼成炎漢未許黃冠返故林  
社稷忽生千古色網常無忝百年心

總拚清骨縈荒草不復胡沙掩素襟

聞鵑

子規聲切月輪斜起望諸陵憶漢家  
婦女尋芳渾不解鬢雲爭插杜鵑花

元詩選初集卷五十四

謹案第二十五頁前三行集賽舊作怯薛今改

二十七頁前一行烏納罕舊作伍拏罕今改

三十一頁後一行托和齊舊作脫忽赤今改

五十六頁前六行伊克集賽舊作也可怯薛今


改 五十七頁後四行哈喇穆楞舊作哈八都

魚今改 五十八頁後六行古庫勒舊作固姑

今改 六十一頁前七行納卜齊舊作納石今

改





總校官候補中書臣吳紹潔  
校對官編修臣馬啟泰  
謄錄監生臣夏清和